

دارنا شمس البرية

عد ما ذذع نسيم وعد ما هبت هبايب
وعد ما تشرق شمس المجد في نجد العذيه
وعد ما تنبت فياض الارض من وبل السحايب
وعد ما ناحت على جرد الغصون الراعيه
يا هلا بك يا قصيد صيغت حروفه ذهايب
من عزيز في عزيز وجهته للعاذريه
من ولد تركي تبنت شيخة تحيي الرغايب
مهرة للشعر ميلاف سعود فيصليه
من بعدها يا قصيدي كف عن زود الزرايب
وانحت القيفان وإلا هيه لا تقبل عليه
شرق بها وغرب بها سوقها سوق الحرايب
وانحر اللي للقصيد في توأصيفه شهيه
من نسل تاج الملوك وصلب فكاك النشايب
خادم البيتين نصر الدين وسهوم المنيه
الفهد فهد العروبة والاصالة والنسايب
الزعيم اللي فلا به مشبهه والاحليه
والعمام سعودها واسودها عند النوايب
ماخذ منهم شموخ وسطوة مع مقدره
من ولي العهد عبدالله خذا خفض الجنايب
والشفافيه وصدق القول وعزوم قويه
ومن نديم الجود سلطان الوطن عند اللهايب
الطلاقة والحذاقة والبذل والارحيه
ومن وزير الامن نايف ماخذ نطح الصعايب
وفيه من سلمان عرف وفيه من وصفه رويه
وفيه من جدة سمييه وفيه من كل القررايب
من عمامه من خواله فيه من كل مزيه
فيك يا عبدالعزيز العز مجدول الذوايب

من عصر جدك ومن عصر الجدود الاوليه
يا وطن فخر الرجال ويا وطن غال الكسايب
فيك يومض برق عز وفيك تصهل ضمريه
وفيك حكام تلاقي الشعب بصدور رحايب
عامرين الدار والبيتين بيدين سخييه
يا وطننا فيك عشنا عمرنا والكيف طايب
ما تغيرنا مساعي حاقد والا سويه
قل لخبيل ما تسمى وشد بعد باقي عجايب
عقب هاك الزحف وش باقي بعد من سونه
من يقاشرنا يجي له يوم والمسكين خايب
ومن تورط باغتيال رموزنا يصبح ضحيه
يافقيه ما تفقه كود في نشر الكذايب
ملوكنا فخر الرجال ودارنا شمس البريه
والقصيد في معازيب الوطن خضر عذايب
حبرها الايمان يدفعها وتدفعها الحميه
ما يفيد الشرح للي عن سوي الفهم غايب
ولا تفيد دروس للي عايش في جاهليه
في صلاح النفس اصلاح الوطن والعيب عايب
وفي وطننا للصلاح رموز ونفوس رضيه
يرحم الله اربعين سندوا فوق النجايب
وعزم ابو تركي يشد الحيل من عزم المطيه
ادرس التاريخ ياللي ما عرف سيف العطايب
واسأله ينبيك عن فعل الاسود اليعربيه
يا وطن جيتك شعور صادق من قلب ذايب
جيت افخر بالملوك وجيت امجد بالرعيه
جيت يدفعني الولا والحب وسلوم العرايب
مطرفي من هذيل ان قيل أي المطرفيه
جارك الله من نفوس تبتغي فيك الخرايب
من خوارج من حواسد من عقول عنجهيه
محمد بن سعد العجلان

